

欽定大清會典事例

欽定大清會典事例卷五百五十八

兵部

職制

補授八旗武職通例

補授掌鑾儀衛

補授

事大臣

補授

都統

補授

副都統

統

統

補授

駐防

副都統

補授

火器營大臣

衛  
衛拜唐阿

稽查營房

稽查

京倉

直年

挑取侍

補授八旗武職通例。○順治初年定。上三旗四

品以上官。都統等擬正陪。具題補授。四品以下

官。擬正陪。咨部具題補授。其前鋒參領護軍參

領前鋒侍衛親軍校前鋒校護軍校等。由該管

官具題補授。咨部註冊。下五旗五品以上官。該旗揀選擬定正陪。咨部具題補授。至上三旗驍騎校以下。下五旗六品以下官及王公護衛。均照咨補授概不具題。○康熙十八年奉

旨。王等護衛王府佐領。均咨部具題引見補授。六品以下。仍照咨補授。○三十三年奉

旨。八旗四品以上官。皆朕親驗補授。兵部不必逐案具奏。著於每月三十日彙題。○三十九年議准。各旗補授外省駐防官。並步軍校等。將補授之處咨部。月終彙題。○雍正二年議准。各省駐防佐領。令

本處協領兼管者。由各該將軍都統副都統聲  
明具題。毋庸送部引

見。乾隆七年奏准。在京都統各統領駐防將軍都  
統副都統均由部開列具題補授。

陵寢總管翼領信礮總管河南鄭家莊二處城守尉黑  
龍江吉林管水手官由部引

見補授。在京驍騎參領駐防協領以下官。由各旗引  
見補授。前鋒參領以下官。由前鋒統領引

見補授。護軍參領以下官。由該旗護軍統領會本翼  
護軍統領揀選引

見補授。凡補授五品以上者。咨部。月終彙題。六品以下者。咨部註冊。其駐防領催題補驍騎校。附入月終彙題。○二十年奉

旨。各省城守尉協領及各地地方總管等官。應各該旗揀選補授者。由本旗引見。如係八旗公額。由兵部揀選引見。辦理殊未畫一。從前未設直年旗。所有公額揀選旗員。兵部引見。猶可。今既定有直年旗。辦理八旗事務。則此等公中揀選之旗員。理應直年旗引見。嗣後應各該旗揀選補授者。仍著本旗引見。其公中揀選者。著直年旗引見。兵部引見之處停止。○二十一

年奉

旨。直省記名領催人等。皆係補授驍騎校引見時記名之人。理宜缺出即行坐補。若每次皆經奏明始行坐補。轉致紛繁。嗣後似此記名之人。著該將軍等酌量缺出即行坐補。著於歲底將坐補幾人。彙報該旗轉奏。○二十四年題准各省駐防協領兼管佐領者。毋庸逐次具題。俱於年終彙題。○二十五年奏准。

八旗補放官員引

見後。移咨兵部。按月彙題之處。應行停止。○二十九年奏准。步軍協尉副尉城門領等官。由步軍統

領揀選引

見補放滿洲火器營

圓明園健銳營官員由該管大臣揀選補放均咨  
明兵部註冊。○四十三年定駐防防禦以上員  
缺將擬陪記名人員坐補者咨明部旗年終彙  
奏。○六十年議准駐防協領兼管佐領者令各  
該處隨時咨報部旗仍於每年十月截數分咨  
部旗由各該旗彙送直年旗歸入坐補驍騎校  
案內一併彙奏毋庸由各該處具奏。○嘉慶五  
年

諭。向來護軍參領護軍校等官缺出。俱著本翼四旗護軍統領會同揀選擬定者。特防本旗護軍統領一人揀選徇私之弊。迨後漸染習俗。隨同畫押。並不會集揀選。殊屬不成事體。嗣後著交八旗護軍統領及稽察該旗事務御史等。於護軍參領護軍校缺出。務仍遵照舊例。會同本翼四旗護軍統領監察御史。秉公揀選擬定。如果實在有事。不能兼到。亦必須申明緣由。咨報該旗。如無事託故不到者。該御史即行指參。如監察御史無故不到。亦准護軍統領等參奏。○七年奏准。寶坻縣。朱育里。東安縣。滄州四處。作為



左翼保定府固安縣雄縣良鄉縣霸州五處作為右翼。遇有防守尉防禦缺出，不論旗分，即於本翼內揀選將何旗人擬正，即由擬正之旗引見。九年奏准古北口防守尉缺出於三河縣玉田縣防守尉內揀選調補。三河縣防守尉缺出於順義縣昌平州防守尉內揀選調補。順義縣昌平州防守尉缺出於五處防禦內通行揀選補放。又奏准黑龍江協領缺出，向例按翼揀選。難以得人。嗣後黑龍江各城協領缺出，如本翼內得人，仍於本翼內揀選補放。如本翼內不得

其人於八旗應升官員內通行揀選補放。又奏准幫辦步軍翼尉缺出。由步軍統領於八旗協尉內揀選帶領引

見補放。○又奏准

南苑四品總領章京缺出。由該處防禦內揀選補放。防禦缺出。由驍騎校內揀選補放。驍騎校缺出。由領催內揀選補放。○十年奏准各處駐防滿營事宜。俱應協領辦理。責任綦重。若遽以世職初任人員補用。恐未能勝任。嗣後將輕車都尉減等先補佐領。俟試看一二年後。如果辦事

好。能勝協領之任。遇有協領缺出。仍准該管大臣酌量升用。騎都尉以佐領補用。雲騎尉以防禦補用。恩騎尉以驍騎校補用。至甫經當差之年幼世職不能辦事之員。不准揀選保送。其

盛京吉林黑龍江察哈爾等處。如有未經設立防禦地方。遇佐領缺出。例有由驍騎校內揀選補放。雲騎尉係五品世職。比驍騎校品秩尚崇。准其與驍騎校一體揀選補放。○十一年奏准善撲營教習五年期滿。所教人等有至頭等二等者。帶領引

見以本旗護軍校。驍騎校坐補。其善撲教習內有步軍營漢軍馬兵挑補者。所教人等至頭等二等。將該教習交與步軍營以把總補用。○十二年議准。世管佐領缺出。其出缺之人。並無子嗣。將過繼之子承襲者。該旗查明過繼之子。是否原立官嫡派子孫。如係原立官嫡派子孫。准其擬正。如係遠房支派。雖經過繼為嗣。不准承襲。該旗將原立官支派內襲職有分之人。揀選承襲。○十三年議准。商都達布遜諾爾達里岡愛之馬駝廠太僕寺兩翼牧廠總管翼長缺出。將本

牧廠應升官員並察哈爾應升官員一體揀選

擬定正陪帶領引

見補放如由本牧廠官員補放作為實授停其試用  
如由察哈爾官員補放者仍帶原銜頂戴先令  
署理總管翼長事務試用三年後再行奏請實  
授○又奏准鑾儀衛係屬堂司衙門有辦事之  
責應照文職祖孫父子嫡親伯叔兄弟分係堂  
司令司員迴避之例辦理其應行迴避之員即  
以侍衛調補○十四年

諭嗣後巴爾虎額魯特喀爾喀烏拉特茂明安等處補

放佐領官員之時。應升人員內。如有通曉清語文字者。即擬定正陪咨送引見請旨補放。如實無通曉清語文字者。即由善能管轄諳練事務人員內揀選。○十五年議准。京外旗員緣事降革。復經捐復原官者。於引

見之日起。遇有應補缺出。統俟應升應補人員補用。三缺後。以第四次缺出。該衙門將該員出具考語帶領引

見補放。○十六年議准。昌平順義玉田三河古北口防禦缺出於本處驍騎校內揀選一員擬正。通

行揀選一員擬陪。如本處驍騎校或不堪擬正。或有事故者。准將五處記名之驍騎校內。按其記名先後坐補。如無記名人員。即通行揀選擬定正陪送部。轉咨該旗帶領引。

見補放。○又定德州防禦四員。驍騎校四員。鑲黃正黃每旗各二缺。太原防禦四員。驍騎校四員。正藍鑲蓋每旗各二缺。防禦缺出。於各本處二旗四員驍騎校內通行揀選。驍騎校缺出。按翼按旗揀選擬定正陪送部。轉咨該旗帶領引。

見補放。○十九年

諭

五陵八旗額設雲騎尉品級章京。遇有缺出。如本旗無合例應升人員。向係由京補放。於該處差使未能熟習。嗣後該處缺出。本旗無應升之人。即在本翼三旗。驍騎校及讀贊等官合例人員內揀選補放。毋庸由京揀補。所有現出鑲紅旗雲騎尉品級章京員缺。即照此辦理。著為令。○道光三年奉

旨。據縣志等奏。世管佐領宜慶現在出缺。族中並無襲替之人。其母張氏呈請將伊姪張煦年過繼為嗣。覈與條例相符。著准其過繼承襲承祧。其承襲之世管



佐領者改為公中佐領。由該旗照例揀選帶領引見。嗣後有世職旗人。如過繼本族為嗣。方准其承襲世職。其以另戶異姓親屬之人過繼為嗣者。不准承襲。著八旗都統等一體遵照辦理。○十六年奉

旨。鑲藍旗蒙古具奏。世管佐領員缺。或將出缺人之子孫揀選。給予擬正。或將無佐領支派內揀選。給予擬正。請旨一摺。定住所出世管佐領。不必拘定出缺人之子孫。著與別支子孫內統計能勝任揀選好者。給予擬正。帶領引見。○又

諭。嗣後如分編佐領缺出。即著照此次辦理。○二十八

年

諭。載銓等奏承襲奉恩將軍次數未能畫一。請將軍功旁支子孫分別襲替次數一摺。向來軍功王公旁支子孫承襲奉恩將軍例無分別嫡派旁支作何襲替明文。是以或襲五次。或襲三次。辦理未能畫一。除從前辦理兩歧之處。毋庸查辦外。嗣後凡承襲奉恩將軍。著查明原立官之人。係軍功王公餘子之嫡長子。如無嫡出子。或庶長子之子孫。其後嗣子孫降等襲封之奉恩將軍者。方准照例襲至五次而止。如原立官之人。係軍功王公餘子之餘子。或庶子之餘子。及

有緣事削去爵職。其子孫內尚有已經考封，並襲封者，自與恩封之人無間。即不得均謂之軍功旁支子孫。如降等襲封之奉恩將軍，或考封奉恩將軍者，均照恩封之例。襲至三次而止。該衙門即照現定章程辦理。並著纂入則例，永遠遵行。○同治十二年奏准：凡世襲罔替各爵職出缺，無論有無親子孫，但准承襲。即准世襲罔替。其有次數之世職出缺，如無親子孫，襲次完時，毋庸給予恩騎尉。○又奏准：向例世職各官，若無親子孫，准與親弟兄承襲。如無親弟兄，准與親祖父及伯叔兄弟姪。

男姪孫承襲。係專指有次數之世職而言。若世襲罔替之爵。原立官身故無嗣。止准與其親弟兄按次序承襲。不應上襲及祖父。如原立官有應繼願繼之胞姪。無論世爵世職。均應先儘胞姪。過繼為嗣後承襲。無應繼願繼之胞姪。方與其親弟兄承襲。又奏准世襲罔替爵職。接襲官身故。無親生子孫。亦無原立官本支之人。可襲可繼。准其擇族中之姪男姪孫為嗣承襲。若無。即將

誥敕繳銷。如原立官本支尚有應襲之人。與現故之

接襲官。行輩不符。亦准承襲。不得因已繼有另支之子爭襲。○光緒七年定。

昭陵世襲防禦。其原立官既係從前賞給防禦世襲罔替。現在出缺。自應遵照世職之例。揀選現出缺之子擬正。其管過年深房分。照例擬陪。○又奏准駐防世職。向例輕車都尉先補佐領。後升協領。騎都尉以佐領補用。雲騎尉以防禦補用。恩騎尉以驍騎校補用。嗣後量為變通。除雲騎尉恩騎尉仍照向章補用外。遇有防禦缺出。將輕車都尉。騎都尉。排列在雲騎尉之前。與驍騎校

一體挑放。公事漸諳。再酌量升補佐領。

補授掌鑾儀衛事大臣。○順治初年定。掌鑾儀

衛事內大臣員缺。身為掌鑾儀衛事大臣。由領侍衛內大

臣。將應補領侍衛內大臣。內大臣職名。開列送

部。由部具疏題請。據案乾隆十九年奉旨。嗣後員缺不必由兵部具奏。

補授都統。○順治初年定。滿洲都統員缺。將蒙

古都統。前鋒護軍各統領。滿洲蒙古副都統。及

外省將軍副都統。並子爵以上官。開列題補。蒙

古都統員缺。將前鋒護軍各統領。滿洲蒙古副

都統。及外省將軍副都統。並子爵以上官。開列

題補。漢軍都統員缺。將漢軍副都統。漢軍外任提督及外省副都統。並子爵以上官。開列題補。

○康熙二十三年題准。滿洲都統員缺。將滿洲任漢軍都統。副都統。一併開列。漢軍都統員缺。將本旗前鋒護軍各統領。滿洲蒙古副都統。一併開列。○雍正十年議准。八旗都統員缺。不必越翼。在本翼內。不論旗分。互相調補。其左翼人現任右翼。右翼人現任左翼者。遇有本翼員缺。將旗分註明。題請調補。○乾隆七年奏准。滿洲都統員缺。將本翼蒙古都統。蒙古任漢軍都統。

前鋒護軍步軍各統領滿洲蒙古副都統滿洲  
任漢軍副都統外省滿洲將軍都統副都統滿  
洲外任提督及由京官授歸化城都統副都統  
開列題補蒙古都統員缺將本翼前鋒護軍步  
軍各統領滿洲蒙古副都統滿洲任漢軍副都  
統外省滿洲將軍都統副都統滿洲外任提督  
及由京官任歸化城都統副都統開列題補漢軍  
都統員缺將本翼前鋒護軍步軍各統領滿洲蒙  
古漢軍副都統外省漢軍副都統漢軍外任提督  
開列題補其子爵以上官停其開列○二十年奉



旨。蒙古任漢軍副都統。駐防蒙古將軍都統副都統。蒙古外任提督。遇滿洲都統缺。一例開列。○二十六年奏准。歸化城都統一員。裁汰。其副都統一員。遇在京都統缺出。均毋庸開列。○三十九年奏准。漢軍都統員缺。將外省漢軍將軍。一併開列補授。○嘉慶四年

諭。嗣後八旗都統缺出。准將兩翼總兵開列。○十九年諭。散秩大臣並無辦事之責。嗣後無論正委如有擢至都統者。俱毋庸兼散秩大臣。著為令。

補授副都統。○順治初年定。滿洲副都統員缺。

將蒙古副都統及王府長史前鋒護軍各參領論俸開列十人題補。蒙古副都統員缺。將王府長史前鋒護軍各參領論俸開列十人題補。漢軍副都統員缺。將參領及漢軍外任總兵官並男爵以上官開列題補。○康熙十二年題准蒙古副都統員缺。將王府長史前鋒護軍各參領論俸開列八人。驍騎參領論俸開列二人。及男爵以上官一併開列。○二十二年奉

旨。滿洲蒙古漢軍副都統員缺。將八旗侍郎一併開列。

○二十三年奉

旨。滿洲副都統員缺。將應升蒙古副都統之人。一併開列。○又奏准。漢軍副都統員缺。將滿洲王府長史。前鋒護軍驍騎各參領。論俸開列八人。漢軍參領。論俸開列二人。及外省總兵官。一併開列。○二十五年議准。應升副都統之前鋒護軍參領。如原由驍騎參領補授者。開列時止論現俸。不准通理前俸。其王府長史。由參領補授者。亦照此例。○雍正十年奏准。副都統員缺。如本翼現有署理副都統之人。將其職名開列於前。其應升各官仍照例開列。○又議准。八旗副都統員缺。

不必越翼。在本翼內不論旗分。互相調補。其左翼人現任右翼。右翼人現任左翼者。遇有本翼員缺。將旗分註明。題請調補。○十二年奉

旨。滿洲副都統員缺。將應升漢軍副都統之漢軍參領。一併開列。○乾隆三年題准。蒙古副都統員缺。將游牧總管論俸開列。如由參領補授者。併論前俸。由別途補授者。止論總管俸。○七年奏准。滿洲副都統員缺。將本翼蒙古副都統滿洲任漢軍副都統開列題補。並將本翼滿洲侍郎按旗開列。本翼蒙古侍郎亦按旗開列。本翼步軍翼尉參

領等官。每旗開列十人。內先將步軍翼尉前鋒  
統領之協理事務前鋒參領。護軍統領之協理  
事務。護軍參領。滿洲蒙古都統印房辦理事務  
驍騎參領。不論俸通行開列。次將王府長史前  
鋒。護軍驍騎各參領。游牧總管。論俸開列。各足  
每旗十人之數。滿洲外任總兵官者。按旗開列  
於後。如開列滿洲副都統。遇有滿洲任漢軍副  
都統職名。即將應升漢軍副都統之本翼漢軍  
侍郎。按旗開列。本翼漢軍參領。每旗開列二人。  
內先列都統印房協理事務參領一人。次列俸

深之參領一人。再將本翼滿洲蒙古散秩大臣。公侯伯子男冠軍使。一等待衛王府長史。一等護衛。前鋒護軍。驍騎各參領。內府護軍統領。別列名單。附疏以進。蒙古副都統員缺。將本翼蒙古侍郎按旗開列。本翼步軍翼尉參領等官。每旗開列十人。內先將步軍翼尉前鋒統領之協理事務。前鋒參領。護軍統領之協理事務。護軍參領。滿洲蒙古都統印房協理事務。驍騎參領。不論俸通行開列。次將王府長史。前鋒護軍。驍騎各參領。游牧總管。論俸開列。各足每旗十人。

之數。其滿洲外任總兵官者。按旗開列於後。再將本翼滿洲蒙古散秩大臣。公侯伯子男冠軍使。一等待衛主府長史。二等護衛前鋒護軍驍騎各參領。內府護軍統領別列名單。附疏以進。漢軍副都統員缺。將本翼漢軍侍郎按旗開列。本翼步軍翼尉參領等官。每旗開列十人。內先將步軍翼尉前鋒統領之協理事務前鋒參領。護軍統領之協理事務護軍參領。滿洲漢軍都統印房協理事務驍騎參領。不論俸通行開列。次將王府長史前鋒護軍各參領。滿洲漢軍驍

騎參領。論俸開列。各足每旗十人之數。並將外省總兵官通行開列於後。再將本翼滿洲漢軍散秩大臣。公侯伯子男冠軍使一等侍衛王府長史。一等護衛。前鋒護軍。駙騎各參領。內府護軍統領。別列名單。附疏以進。○十年奉

旨。副都統補授侍郎者。或准兼副都統。不准兼副都統。該部請旨。○十一年議准。開列副都統員缺。將滿洲火器營協理事務烏槍護軍參領。列名於協理事務前鋒參領之後。協理事務烏槍駙騎參領。列名於協理事務護軍參領之後。○十五年議准。



圓明園營總及護軍參領。

靜宜園健銳營翼領及前鋒參領。遇有副都統員缺。與八旗參領一例論俸開列。其營總列名於本旗協理事務護軍參領之次。護軍參領與本旗應升之人。論俸開列。翼領列名於火器營協理事務鳥槍護軍參領之後。

圓明園協理事務營總之前。前鋒參領與各參領論俸開列。○又奏准。嚮導總統之協理事務參領。遇有副都統員缺。與前鋒統領護軍統領之協理事務參領。一同開列。○十六年奏准。開列

副都統員缺。將

圓明園協理事務營總。列名於各營總之前。協理事務護軍參領。列名於各營總之後。○二十年奉旨。蒙古現任漢軍副都統。蒙古外任總兵官。遇滿洲副都統缺。一例開列。○三十年奉准。一等待衛及軍政引見奉

旨。准其卓異人員。遇開列副都統時。將此二項人員。按次列在本。莫莫尉之前。內務府護軍統領。引在都統印房協理事務驍騎參領之後。不論俸次通行開列。至遵。

旨引

見記名之應升本旗副都統人員。並本翼侍班引

見記名人員。另行開單。一併進呈。恭候

簡放。○道光十一年奉

旨。交大學士領侍衛內大臣尚書左都御史都統等。將各營參將監察御史給事中各部院衙門郎中內。應放副都統各保一二人。出具考語。交兵部彙總帶領引見。不必特奏。再所保之人。僅有犯罪者。定將原保人是問。補授統領。○順治初年定。前鋒統領員缺。將滿洲蒙古副都統及前鋒護軍各參領開列題補。

護軍統領員缺。將滿洲蒙古副都統及王府長史。前鋒護軍各參領。開列題補。○康熙二十三年議准。前鋒統領員缺。本翼護軍統領一併開列。護軍統領員缺。滿洲任漢軍副都統者。一併開列。步軍統領員缺。將八旗驍騎參領步軍總尉。論俸開列十人題補。○乾隆七年議准。前鋒統領員缺。將本翼護軍統領。滿洲蒙古副都統。滿洲任漢軍副都統。開列題補。護軍統領員缺。將本翼漢洲蒙古副都統。滿洲任漢軍副都統。開列於前。參領各官論俸開列十人。內先將前

鋒統領之協理事務前鋒參領護軍統領之協理事務護軍參領不論俸通行開列。次將由前鋒護軍參領補授之王府長史及前鋒護軍各參領等論俸開列。共足十人之數。步軍統領員缺。將滿洲蒙古副都統滿洲任漢軍副都統步軍總尉開列題補。○嘉慶六年奏准。步軍統領員缺。將內大臣。八旗滿洲蒙古都統滿洲任漢軍都統左右翼前鋒統領八旗護軍統領左右翼總兵。八旗滿洲蒙古副都統滿洲任漢軍副都統職名。開列題補。補授駐防將軍。○順治年間定。駐防滿洲將軍。

員缺將八旗滿洲蒙古副都統及本駐防副都  
統開列題補。漢軍將軍員缺將八旗漢軍都統  
開列題補。康熙十二年題准駐防漢軍將軍  
員缺將內外漢軍副都統及漢軍任提督者論  
俸開列十人題補。二十三年議准滿洲將軍  
員缺將滿洲任漢軍副都統者一併開列。乾  
隆七年奏准滿洲將軍員缺將滿洲任提督者  
一併開列。三十九年奏准各省將軍缺出將  
八旗滿洲蒙古副都統滿洲補授漢軍副都統  
及本處滿洲副都統滿洲補授外省提督職名。

開列具題。其廣州將軍缺出。將內外滿洲蒙古漢軍副都統滿洲蒙古漢軍補授外省提督論俸開列具題。

補授駐防都統。○乾隆二年題准。天津都統員

缺。將前鋒護軍各統領滿洲蒙古副都統滿洲

任漢軍副都統開列題補。○七年奏准。天津都

統員缺。將滿洲任提督者一併開列。天津都統乾隆三十

三年。○二十六年奏准。察哈爾都統員缺。將前

鋒護軍各統領滿洲蒙古副都統滿洲蒙古任

漢軍副都統滿洲蒙古任外省提督職名開列。

題補

補授駐防副都統。○順治初年定。駐防滿洲副都統員缺。將滿洲驍騎參領本處協領各城守尉開列題補。駐防漢軍副都統員缺。將漢軍參領駐防漢軍協領按翼論俸開列十人。並將外省總兵官一併開列。○康熙三十三年定。歸化城都統員缺。由理藩院開列題補。其副都統員缺。由部將上三旗滿洲前鋒參領護軍參領驍騎參領開列題補。謹案歸化城都統乾隆二十六年裁。歸化城副都統乾隆

三十五年奉旨管理綏遠城事務

○四十八年議准。右衛副



都統員缺。將在京副都統按翼開列題補。○乾隆五年奏准。右衛副都統印。由部將右衛副都統二員。開列具題請。

簡一人掌管。

謹案右衛副都統乾隆二十六年裁一員。三十三年又裁一員。○又議

准駐防滿洲副都統員缺。將在京記名參領等官。各按本翼開列十人。如八旗公額。每翼開列十人。均附疏以進。○又議准駐防滿洲蒙古協領引。

見記名者。遇有駐防滿洲副都統員缺。除將俸深應升之人照例開列外。其記名協領別列名單。附

疏以進。○七年議准駐防滿洲副都統員缺將各處三品總管並滿洲任總兵者一併論俸開列。○八年議准駐防漢軍協領引

見記名者。遇駐防漢軍副都統員缺別列名單附疏以進。黑龍江水師營漢軍總管與各省協領品級相同。准照協領之例論俸開列。○十年奏准駐防副都統員缺將八旗現任副都統按翼開列附疏以進。恭候調補。○三十九年奏准西安副都統缺出將滿洲蒙古漢軍應升人員一體開列。

補授火器營大臣。○康熙三十年奏准火器營  
總統員缺將領侍衛內大臣前鋒統領護軍統  
領滿洲蒙古都統副都統滿洲蒙古任漢軍都  
統副都統開列題請兼管。○嘉慶六年奏准火  
器營大臣缺出將內大臣職名一併開列具題  
兼管。

補授嚮導大臣。○原定嚮導總統員缺將前鋒  
統領護軍統領滿洲蒙古副都統滿洲任漢軍  
副都統開列奏補。

尋改為開列  
具奏兼管。

補授京營左右翼總兵。○嘉慶四年

諭步軍統領衙門添設左右翼總兵二員嗣後八旗都統並各省提督缺出俱准其將兩翼總兵開列如兩翼總兵缺出即將八旗副都統及京營副將開列簡用。

稽查營房。○乾隆七年奏准城外營房將本翼都統副都統開列具奏請

簡一人管理稽查。○十一年奉

旨。八旗舊營房每旗各除大臣一人總轄官兵居住房屋毋致任意損壞著交部照管轄新營房之例將八旗大臣等職名進呈。○二十二年遵

旨議奏。八旗滿洲蒙古舊營房居住之兵丁。人數衆多。稽查難周。應於滿洲蒙古前鋒護軍驍騎各

簡大臣一人管理。又於滿洲蒙古前鋒護軍驍騎各參領內。揀選二人。擬正陪引。

見。授為營總。專司約束。再每營現設滿洲旗分散秩官一人。驍騎校五人。請增設蒙古驍騎校二人。驍騎五人。合計每參領下驍騎校各一人。驍騎各五人。增設散秩官一人。每營各設散秩官二人。即令散秩官驍騎校稽查營房兵丁。如有不守本分滋事擾累者。即報該營總。查係輕罪。鞭

責示懲重罪按律究治其散秩官以下如於三年之內實心稽查並無叅罰事故者准其各紀錄一次六年無事故者咨送該旗於應升內列名若稽查不嚴以致兵丁生事為匪及隱匿不報者分別議處如現在營房居住兵丁內有不守本分者即行查出送回該旗所遺房屋別選誠實兵丁居住再新營房內皆係看守城門兵丁應於每營

簡滿洲蒙古大臣一人管理等因奉

旨所議將不安本分之兵丁送入城內則城內之人轉

致染其陋習。應令點出之大臣等嚴加訓飭。如於一  
年內能悔過自新者。准其居住。若仍不悛改。即著發  
往拉林。專管之大臣。仍於一年報滿之日。將應去應  
留之兵丁。據實具奏。分別辦理。此後若再有為匪兵  
丁。即係大臣不能稽查。其咎亦奚辭。餘依議。○二十  
三年議准。新舊營房掌關防營長。有出差在外  
者。不必委派別營章京。該管大臣。即於本營內  
揀委一員署理。差回時將關防即行交回。○又  
覆准。舊營房修理後。各按佐領派往。滿洲占三  
隅。共一千五百間。蒙古占一隅。共五百間。又管

理舊營房大臣滿洲蒙古各管本旗官兵章京  
驍騎校等。各按所占地方居住。不時稽查。再添  
設參領二員。滿洲蒙古各一缺。仍令在城內居  
住。各管該旗。其添設之員。該大臣都統等。於本  
旗前鋒參領護軍參領驍騎營參領內。選擬正  
陪。由該旗帶領引。

見恭候

欽簡。○二十四年奏准。滿洲蒙古漢軍新營房章京  
內。有補放公中佐領者。所遺員缺。該旗於閒散  
世職官內。咨取數人。選擬正陪。引。



見補放。○又奏准管理舊營房大臣。如係升調者。所遺員缺。仍令奏派。至出差之缺。停其奏署。即令本旗掌印大臣暫理。隨圍者亦照此例。○又奉旨。嗣後管理新營房大臣。准其與管理舊營房大臣一體奏事。○三十二年議准。管理鑲黃旗蒙古舊營房大臣。及八旗新營房大臣內。如有升轉與出差之缺。停止本旗奏派。各將本旗大員名銜咨送直年處奏派。○三十四年奏准。八旗新舊營房。現有出派之專理章京一員。再於在營章京驍騎校內。添設一員協查。

圓明園營房內。除每旗出派章京一員。每甲喇出派護軍校一員。逐日巡查外。再添派營長二員。章京二員。於春秋二季巡查。健銳營每旗添派章京一員專管。再添派護軍校一員。協同巡查。仍令各該營大臣等。不時稽查。○三十九年奏准城外舊營房。每旗派滿洲蒙古大臣各一員稽查。新營房。每旗派滿洲蒙古漢軍大臣各一員稽查。其管理舊營房滿洲大臣缺出。將該旗滿洲都統副都統職名開列。蒙古大臣缺出。將該旗蒙古都統副都統職名開列。管理新營房

大臣缺出。將該旗滿洲蒙古漢軍都統副都統職名開列。均由直年旗繕寫綠頭牌具奏。恭候欽點管理。該管營房大臣。將一年內旗人有無為匪之處。於歲底奏

聞。○五十一年奏准。滿洲蒙古漢軍旗分。有管理城外新舊營房之參領章京。俱係兼攝。並非升任實缺。毋庸專行引

見。將應行兼攝之員。揀選奏請兼攝

稽查京倉。○雍正十二年議准。在京各倉。每倉以都統或副都統一人專司稽查。三年期滿更

代接任之人未滿三年者。遇更代之期亦准更代。屆期除已經稽查之都統副都統外其餘都統副都統由部通行開列具奏。恭候。

簡用。每倉籤掣一人管理。○乾隆二十五年奏准。各倉整廩例用倉場侍郎封條。倉場遠駐通州。勢難隨時查驗。嗣後一併責令都統御史查驗貼封。○三十五年奉

旨。嗣後監放米石等差務。其在御前乾清門行走之額魯特回子都統副都統一體前往稽查。○三十九年奏准。派查京倉都統副都統稽查三年更換一

次其陸續奏派接任之員。未及二年者。毋庸更換外。如已過二年。當更換之時。亦一體更換。至查倉大臣。遇有奉差患病服制等事。在三月以內者。其該倉事宜。即交該倉御史專司稽查。如該倉御史亦有奉差等事。或都統等奉差在三月以外者。兵部奏請派員署理。○五十九年奏准八旗官兵米石。於支放之日。俱責成該旗都統副都統稽查。所有請派查倉大臣之例。應請停止。

直年。○乾隆十六年奉

旨。八旗大臣等辦理事件。每多遲延。雖有直月大臣。將一應事件。彙總承辦。然推諉成風。惟以草率塞責。過此一月。移交下旗。可以完事。並無實力辦理。與事無益。嗣後分旗大臣。不必按旗值月。朕特命數人。一年一次。輪流直年。著該部將都統副都統等職名。不論旗分。全行進呈。朕酌量選用。令伊等於各旗參領等官內。揀選好者。將八旗一應彙辦事件。令其承辦。至年終。將一年內已完事幾件。未完事幾件。按款繕摺奏聞。其是否實力辦理。昭然可知。著永為例。○四十

七年奏准直年大臣。如遇調補外省。以及隨圍

奉差等事。止贖一二員。直年旗報明兵部。奏請派員署理。○嘉慶六年奏准。直年大臣。如遇調補外省及奉差等事。由直年旗自行奏請派員署理。

挑取侍衛拜唐阿。○乾隆五十年

諭。近來外任旗員子弟成丁時。多有挑館當差及捐納文職隨任候補。此不但挑取拜唐阿侍衛不能得人。伊等久隨外任。不習清語騎射。以致廢弛滿洲故業。所關匪細。嗣後外任旗員子弟。無論王公屬下。俱一例挑取拜唐阿侍衛。若有隱匿。經該旗查出。參奏。從

重治罪。著為例。○又

諭。向來滿洲世僕等。以侍衛拜唐阿為近御差使。視為最榮。於挑選侍衛拜唐阿時。則甚欣願。近來在京文武大臣。及外任大臣官員子弟。多有在館行走。否則捐納。冀圖文職。且跟隨伊父兄任所安逸。不願挑取侍衛拜唐阿者甚多。是以挑取侍衛拜唐阿時。不能得人。及至成丁。尚不當差。在任日久。並不學清語騎射技藝。竟至廢棄滿洲舊俗。昔

皇祖時。曾經整飭查辦。今在京文武大臣外任文武大臣官員等。皆受恩深重。得項較多。伊等子弟長成。更



當挑取侍衛拜唐阿效力行走。方合滿洲世僕之道。是以降旨命軍機大臣等詳細查辦。各開名單呈覽。其年已及歲。經朕指出者。即著帶領引見。但年未及歲者。若不酌定年限查辦。則日久仍至舊習復萌。將此通飭諭八旗。所有指出現隨任所年已及歲者。即行咨取帶領引見。嗣後著由該旗五年一次。照此查明。咨送軍機處彙辦。具奏請旨。至從前准令外任大臣官員等各帶一子隨任。辦理家務。係朕曲成之恩。乃伊等藉此將所有子孫俱留任所。是誠何心。嗣後飭令八旗嚴查伊等子嗣內年已及歲者。止准奏請。

一人隨任幫辦家務。其餘年已及歲之子弟及孫俱著催令回旗。以備挑取差使。儻瞻徇情面不行咨催者。將該都統等一併治罪。將此通諭八旗各省。永遠遵行。○五十一年

諭嗣後乾清門侍衛員缺者。將閒散侍衛引見補放。閒散侍衛若少。再將官員勳舊人等保送閒散侍衛。則伊等升階有別。而亦可示鼓勵矣。著為令。○嘉慶十年奉

旨。據軍機大臣等查出乾隆五十年令將八旗在京文武大臣及外任大員之子弟。五年行查一次。由該旗

咨送軍機處彙奏。以備挑取侍衛拜唐阿。自乾隆五十年查辦以來。惟於乾隆五十五年又經查辦一次。乾隆六十年嘉慶五年均應查辦。而並未辦理。至今已隔十有五年。自應遵照查辦。著令八旗及包衣三旗。查照乾隆五十年五十五年所辦之例。於在京文武大臣及外任自知府以上大員子弟內。查明及歲者。各造清冊。咨送軍機處彙奏。候朕指出帶領引見外。仍著八旗及包衣三旗。嗣後五年一次。照此查辦。

○又奉

旨。此次令八旗滿洲蒙古漢軍包衣三旗。將應挑侍衛

拜唐阿之文武大臣官員兄弟子孫名冊咨送軍機處。若不豫定章程傳諭恐辦理不能畫一。著通交各旗嗣後咨送此項大臣官員兄弟子孫仍照前次所辦。將在京文職三品以上武職二品以上世職公侯伯外省文職知府以上武職總兵以上及新疆辦事大臣之兄弟子孫內應行咨送者俱著查明造冊咨送軍機處。照例繕寫清單呈覽。該大臣官員之兄弟子孫內年及十八歲之六品以下文武人員無論補缺與否俱著查明咨送外。其候補五品文武人員及未經引見之五品廕生亦著入冊咨送。至補缺之五

品文武官員俱毋庸開送。此內如有呈報殘疾者。著該參佐領等往驗屬實。該佐領出具圖結。一併交送。儻有捏報者。一經查出。除將捏報之人治罪外。仍將該佐領等一併治罪。○十七年

諭。大門侍衛。每逢朕出入。均有前後扈蹕。近御差使。其挑選自應設定章程。以昭慎重。嗣後凡屆挑選侍衛之期。除本處侍衛仍照例升等外。其餘藍翎侍衛員缺。著於各項拜唐阿前鋒護軍內。挑選帶領引見。不准將馬甲閒散入選。其馬甲閒散內。如有二品以上大員子弟。仍准入選。其三品以下官員子弟。亦不准

入選者為令。○又

諭嗣後挑選侍衛。所有哈哈珠色。仍照例過十年准其入選。未及十年。不准入選。○二十五年

諭嗣後皇子之哈哈珠色。行走五年期滿。遇有選藍翎侍衛。准其送挑。○道光二十二年

諭向來京外現任大員子弟。每屆五年。查辦一次。挑取侍衛。拜唐阿。嗣後如遇挑取侍衛年分。所有大員子弟。著毋庸排列。○二十八年

諭嗣後揀選大門上三等侍衛。由黏竿處藍翎侍衛內。擇其差使勤奮。騎射好者。著該管大臣每旗保送一

人共保三人歸入各旗營護軍校驍騎校內一體揀  
選著為例

欽定大清會典事例卷五百五十九

兵部

職制

署印  
記名官

開缺  
補用

補授王公屬官

駐防豫保領

補用

領

准

署印。○雍正元年奉

旨。八旗事務緊要。嗣後都統有奉差者。該部奏請署印。  
○乾隆七年議准。都統奉差在半月以內者。令  
本旗副都統署印。半月以外者。由部奏請委人  
署印。如一旗都統副都統皆經奉差。雖在半月  
以內。仍行奏請署印。所有半月內外日期。令奉



差之人於起身前報部。○十二年奉

旨。前鋒統領護軍統領等。遇有出差事故。不必奏請署印。前鋒統領內有一人出差。兩翼印務歸一人兼管。護軍統領內有一二人出差。所遺印務。即着在京護軍統領按旗兼署。如兩翼前鋒統領皆經出差。及護軍統領等止贍四五人。再奏請署印。○又議准護軍統領出差於本旗兩翼內按旗署印。○十八年奉

旨。嗣後護軍統領內。遇有奉差隨圍。雖贍四五人。亦不必奏請署印。俟止贍二人時再行請旨。○二十一年

諭。向來奉差都統印信。雖有署理之條。而副都統奉差。

其員缺如何署理之處。並無成例。辦理殊未盡。一即

如一旗副都統二員。俱經奉差。本旗僅餘一人承辦

一旗事務。勢必不能周徧。其副都統員缺。理應派員

署理。嗣後八旗內一旗副都統二員。若俱經奉差。該

部將一旗三員俱行存京之副都統職名。並保舉副

都統人員職名。開單請旨署理。此係專指一旗大臣

三員內有二員俱奉遠差。不得遽行回京者而言。若

係隨圍。及奉差在一二月之內。即可回京者。均非遠

差。其副都統員缺。毋庸奏請署理。將此永著為例。○

二十二年

諭各省將軍等。遇有升遷調補。及緣事離任。其本城副都統內有在任年深者。即令署理將軍印務。如到任年分相同。無可區別者。仍著論翼署理。將此永著為例。○二十八年奉

旨。前鋒統領護軍統領。遇有出差。其印信向係另翼前鋒統領次旗護軍統領署理。但如此署理。旗下章京等。豫知署印之人。諸事不無瞻徇情意。嗣後前鋒統領護軍統領出差。其印信毋庸令另翼前鋒統領次旗護軍統領署理。兵部仍照舊例。將前鋒統領護軍

統領都統副都統職名進呈候朕簡派○三十八年  
奏准嗣後京口副都統若遇年班

陛見進京或有事故暫離任所令江甯副都統前赴  
京口署印○又奏准嗣後乍浦副都統遇有

陛見等事其印信即令杭州副都統署理○三十九  
年奏准都統前鋒統領護軍統領步軍統領副  
都統缺出如本缺有署理之人一體開列詳註  
如所署之人係不應列名者仍於本內聲明具  
題○又奏准旗下大臣署理外省大臣事務員  
缺兵部將在京底缺應否另行開列補放之處

請

旨遵行。○又奏准吉林所屬各副都統內甯古塔副都統三姓副都統員缺緊要遇有進京等事該將軍將事簡之副都統派出一員前往署理其餘副都統公出仍照例令本處協領署理。○五十六年

諭嗣後署理將軍之副都統若赴圍場不必轉委即將印信帶往辦事。○嘉慶五年

諭嗣後滿漢文武大臣有派令兼署部旗事務僅在一月以內並非久長署理者俱不必紛紛專摺謝恩。

六年奉

旨嗣後前鋒統領護軍統領凡遇出差將八旗滿洲蒙古漢軍副都統職名一併進呈候朕簡派將此永著為例。○七年奉

旨近來大臣內每遇派出署理部務旗務時或有奏遞謝恩摺者。或有不遞謝恩摺止在路旁碰頭者。彼此各由己意參差不一甚屬非是。前經降旨滿漢文武大臣凡有派令兼署部務旗務若在一月之內不必專摺謝恩。嗣後該大臣等仍當遵奉前旨。署任在一月以外者俱著奏遞謝恩摺。○十年

諭嗣後凡遇大員丁憂。所有應行請假穿孝及接管印  
鑰等事。俱著該管上司及同僚具摺奏報。本人不必  
自行陳奏。○十一年

諭哈迪爾等奏伊等隨朕啟鑿後。黏竿處關防印鑰。無  
人佩帶。繕寫領侍衛內大臣散秩大臣等名單進呈。  
請欽派一員。並未將應行開列人名。全行繕寫進呈。  
殊屬非是。各處遇有奏請佩帶印鑰事件。若該處尚  
有留京當差人員。該處儘可將餘數人開列呈覽。如  
果該處人員。俱經出派。扈從並無留京之人。自應將  
應行佩帶人名。全行繕單進呈。候朕簡派。即或因應

行開列人員較多。不進名籤。繕寫名單進呈。亦無不可。昨日上駟院武備院奏請佩帶各處印鑰時。未將應行佩帶人名全行開列。而本日黏羊處雖僅將領侍衛內大臣散秩大臣內繕寫五人名單進呈。其餘未經出派扈從應行開列之領侍衛內大臣滿洲尚書侍郎都統副都統散秩大臣等人名。全行遺漏。並無列入。顯係任意擇其素與伊等熟識相好者開列。甚屬不曉事體。將此通行各處。嗣後遇有佩帶印鑰等事。須將應行開列人名。全行開列呈覽。候朕簡派。斷不可如此任意。選擇數人開單進呈。



開缺○雍正十三年議准在京八旗大臣有出征者其員缺開列題請補授俟凱旋之日將該員已經回京及原官已有人補授之處具奏請旨○乾隆三年議准在京八旗大臣有

命往外省署事者其員缺應否開列補授具奏請

旨○二十九年奏准在京部院各衙門文武各員奉特旨賞給職銜差往各處駐紮經年辦事吏兵二部

即將該員原缺奏明另補其出差非駐紮辦事者若原缺實係緊要聽該衙門自行奏明開缺另補○三十一年

諭嗣後駐藏辦事大臣俱著開缺。○三十四年奏准都統副都統補授尚書侍郎者應否仍令兼攝都統副都統之處兵部繕摺請

旨。○三十九年奏准內外旗員患病該管大臣委員確驗酌給假期不得過六箇月之限如六箇月仍未痊愈有職任者開缺如係世職將俸祿停止俟病痊之日有世職者具呈該旗都統隨旗當差行走自當差之日起支俸無世職者俱候缺補用其內外世職官因病告假如過六箇月之限仍照例停俸如停俸至一年之後調養未

愈不能當差令該管大臣查驗實在情形。如果殘廢即應開缺。○五十一年

諭凡遣往新疆大臣等既不開其本身京缺嗣後駐藏辦事大臣等亦著不必開缺。○嘉慶六年奏准副都統補授前鋒統領護軍統領其副都統員缺應否仍令兼攝之處兵部繕摺請

旨。○七年奏准由都統補放左都御史應否仍令兼攝都統之處由兵部繕摺請

旨。○十五年

諭嗣後一二品大員凡文職兼放武職武職兼放文職

者。吏部兵部俱毋庸將其原職應否開缺之處再行請旨。

補授王公屬官。○原定王府長史員缺由該王於所屬前鋒護軍驍騎各參領佐領散騎郎一  
二等護衛輕車都尉騎都尉內揀選擬定正陪  
咨部引

見補授貝勒司儀長員缺由該貝勒於所屬佐領二  
三等護衛輕車都尉騎都尉及三四品官內揀  
選擬定正陪。咨部引

見補授一二三等護衛及四五六七八品典儀員缺

除佐領輕車都尉以上世爵。不准揀選外。由該王貝勒貝子公等。於所屬內。按其應升品級。揀選擬定。正陪咨部。五品以上者。咨部引。

見補授六品以下者。照咨補授。○又定。揀選護衛典儀。如一時不得其人。准將越銜一等者。擬補。不得越二等。其新封王貝勒貝子公。無可擬補。護衛典儀之人。聲明情由。即於無職人內。擬定正陪。咨部補授。○雍正四年。奏散騎郎員缺。除佐領。不准擬補。由該王貝勒等。於所屬子爵以下。雲騎尉以上。揀選擬定。正陪咨部引。

見補授奉

旨。各王屬散騎郎存留。貝勒貝子散騎郎著停止。嗣後王屬散騎郎員缺。若有選取存留者。令指名具奏。乾隆七年議准。王府長史員缺。子男與參領等官。一併揀選引。

見。十八年奏准。諸王長史。貝勒司儀。長係首領官。若僅於該王貝勒所屬各官內。揀選補授。恐人數無多。必有遷就之弊。嗣後諸王長史。貝勒司儀。長員缺於下五旗前鋒護軍。驍騎各參領及世爵各官。並於各王貝勒所屬應升長史司儀。

長之護衛。令該都統每旗揀選二人送部。會領侍衛內大臣該王貝勒揀選擬定正陪。仍由部會該王貝勒引。

見補授。○三十九年奏准王貝勒貝子公屬下護衛典儀親軍校護軍校等。因病解任後經病愈。仍以該員原缺補用。凡咨補別缺者俱不准行。○又奏准王等所屬長史司儀長護衛五品典儀以上等官。如有過犯。應行斥革者。該王等據實叅奏。交兵部查議。入於半月彙題。其九品以下各官。如有應行斥革者。咨明兵部革退。又奏

准王貝勒貝子公屬下護衛與儀親軍校護軍  
校等因病解任後經病愈照咨補放毋庸坐補  
原缺。○四十五年奉

旨從前王貝勒等補放長史司儀長皆由各屬下官員  
揀選嗣因本屬下官員補放不無附合是以特降諭  
旨不准由該屬下揀放由下五旗官員內揀選但下  
五旗官員亦係王貝勒屬下之員仍與本屬下官員  
無異嗣後補放長史司儀長著於上三旗頭二等待  
衛冠軍使雲麾使前鋒參領侍衛正副護軍參領驍  
騎營正副參領世職官佐領內揀選補授至揀選時



母庸會同該王貝勒著領侍衛內大臣會同兵部大臣揀選帶領引見補授。四十九年奏准王等所屬護衛等官出缺定以四年為限。第五年奏請挑補一次。長史司儀長遇有缺出即行揀選帶領引

見補放。五十年奏准王貝勒貝子公等年幼尚未承襲其所屬護衛典儀散騎郎缺出停其補放。統俟承襲後辦理。至長史司儀長缺出仍照例補放。五十八年奏准貝勒司儀長因貝勒減等裁汰係何處官員補放該旗咨回原管大臣

查驗年力。可否在原差使上行走之處具奏請旨。至由長史降補司儀長復行裁汰者亦由該旗咨回原管大臣處查驗年力可否以司儀長對品之缺具奏請

旨補用。○嘉慶二年奏准王公護衛不准於護軍營之護軍校內挑取。王公門下親軍亦不准於大營護軍內挑取。○四年覆准王公門上護衛等官。如因王公減等裁汰其已得錢糧候缺者俟該門上缺出時由該門上揀選咨報兵部。若五品以上仍帶領引

見再行補用。○六年奏准下五旗王公等屬下包衣參領缺出由該王公等於屬下品級相當之護衛世職及五六品官內揀選二員咨送該旗覆加驗看帶領引

見補放如所送人員平常該都統等於本參領下另  
行揀選二員一併帶領引

見補放。○又奏准下五旗王公等屬下包衣佐領缺  
出由王公等於屬下品級相當之護衛官員內  
揀選二員咨送該旗覆加驗看帶領引

見補放六品以下微員不准擬補如該王公屬下無

應行補放之員。該都統等統計各自有分之王公屬下。另行揀選二員。帶領引

見補放。如再不得補放之員。即於別王公屬下應行補放人員內。揀選帶領引

見補放。其缺仍作為本屬下之缺。○道光十八年

諭前因各親郡王貝勒貝子公等所屬哈琅阿名數多寡不齊。降旨令宗人府妥議章程具奏。茲據該衙門查明將軍功王公及恩封王公所屬外旗佐領各數目。分別開單呈覽。道光二年。曾經特降諭旨。嗣後恩封親王著撥給外旗滿洲佐領六。蒙古佐領三。漢軍

佐領三。郡王撥給外旗滿洲佐領四。蒙古佐領二。漢軍佐領二。貝勒撥給外旗滿洲佐領三。蒙古佐領一。漢軍佐領一。貝子撥給外旗滿洲佐領二。蒙古佐領一。奉恩鎮國公。奉恩輔國公。均撥給外旗滿洲佐領一。蒙古佐領一。該衙門並未隨時查辦。亦未纂入則例。以致此次單開恩封各王公。現有佐領數目。仍復參差不齊。自應照數增減。以歸畫一。至軍功世襲。雖與恩封不同。而所屬之哈喇阿。亦不可漫無限制。所有軍功單內。除輔國公恆明現無滿洲蒙古佐領。崇錫現無蒙古佐領。毋庸撥補外。其軍功襲封之各親

郡王應有佐領均著照恩封親郡王准給之數各加外旗滿洲佐領二。蒙古佐領一。漢軍佐領一。輔國公應有佐領均著照恩封輔國公准給之數各加滿洲佐領一。舊有逾額者查明裁撤不足額者即予增添其恩封單內王公除貝子綿岫輔國公載寬向無佐領毋庸撥補餘俱著照道光二年所定額數分別裁撤增添以符定制。此次軍功恩封各王公名下裁去各佐領除現抵應添各處外著歸各該旗公存以備將來分封王公時撥給之用。

補用記名官。乾隆五年奏准奉

旨記名各官。三品者遇外省城守尉總管員缺或由部引

見或由該旗引

見照例分別辦理。四品以下者該旗查由軍政卓異或軍前效力有年。按其品級遇應升之缺指名奏請補授。如記名人內未在軍前效力。又無軍政卓異。遇有應升之缺。仍將記名之人擬正軍政卓異之人擬陪軍前效力有年之人。開列於後。一併引

見若無軍政卓異之人。即將軍前效力有年之人擬

陪至此項記名之人。遇調補升遷後。將記名之處註銷。若新任內又經記名。於有缺應升時。仍照從前記名之例辦理。○又奏准滿洲蒙古副都統員缺將奉

旨記名者於本翼內開列十人。別繕清摺。與題本一併進呈。此所開十名內。先將卓異及協理事務之前鋒護軍參領印房協理事務之驍騎參領頭等侍衛冠軍使王府長史等官開列於前。如十人之數不足。再於前鋒參領等官論俸開列。以足十人之數引



見恭候

欽定補授漢軍副都統員缺將記名之漢軍參領亦一併開列外省本翼副都統員缺照此例行如係八旗公額每翼開列十人其餘公侯伯子男及王府一等護衛等官有因兼副參領佐領與印房行走引

見記名者止於隨摺內開列將記名之處註明不必引

見○二十四年奏准嗣後駐防佐領升任協領者令該將軍等將該員兼管佐領之處先行咨部存

案俟年底聲明緣由彙總具題。○二十七年

諭各省將軍大臣將城守尉協領等員已滿三年曾經引見回任後又逾六年者將城守尉是否堪勝副都統協領是否堪勝城守尉抑或副都統之處俱令分晰明白出具考語送部引見候朕選用永著為例。○

二十七年

諭朕駐蹕避暑山莊所有八旗帶來引見補放步軍校人員擬陪之護軍校驍騎校等俱係微員由京往還徒多繁費又不得升用未免拮据此次補放步軍校擬陪之護軍校驍騎校等照外省補放驍騎校例將

擬陪之人記名。俟有步軍校缺出。即行坐補。不必引見。嗣後遇朕駐蹕避暑山莊時。以此為例。○三十八年。奏准各省駐防旗員。有派往軍營者。除軍營所出之缺。照例量功升用外。如遇本處本旗有應行揀選缺出。未便停其升路。該管大臣與本處當差人等一體比較揀選。升用至副都統以上。遇有本旗缺出。例由兵部開列請旨補放者。應將出征人員。得有功牌各員。另繕奏單一併進呈。恭候

欽簡。○三十九年。奏准奉

旨記名人員。遇開列滿洲蒙古副都統時將火器營  
翼長隨同辦事。烏槍營總健銳營翼長。

圓明園隨同辦事營總。閒散營總隨同辦事護軍  
參領嚮導處隨同辦事前鋒參領護軍參領一  
併開列於前。○又奏准各省駐防協領齊齊哈  
爾水師營總管吉林黑龍江等處火器營參領  
察哈爾總管並由京補放之察哈爾參領等。六  
年任滿並無事故者。各該將軍大臣等秉公考  
察。出具考語咨送兵部再加考驗帶領引

見恭候

欽定記名。遇有開列升用之處。除將俸深之員照例開列外。將記名之員。另行繕摺。隨本進呈。○四  
十三年。奏准防禦以上等官缺出。將擬陪記名人員坐補。咨明部旗。年終由各該處彙題。○又

諭嗣後擬補協領佐領防禦等官。俱著擬定正陪送部轉咨該旗帶領引見。朕將擬正之人補放。其擬陪之人可否記名之處。臨時再降諭旨。○四十六年。奏准擬陪記名人員未經補缺以前。如有行為改變疾病纏身等項事故。不堪坐補者。即將該員記名註銷。仍令在本任當差。○嘉慶六年。奏准駐

防協領防禦缺出該將軍都統副都統將應升人員揀選擬定正陪送部轉咨該旗帶領引見補放一員其餘一員若奉

旨記名者回本處後遇有佐領防禦缺出即行坐補隨時咨報部旗仍於年底彙奏至以協領記名之員應行坐補時驗無年力衰老行走遊前等項事故方准專摺奏補儘不行察覈將年力衰老行走遊前之員坐補將該管大臣察議○又奏准駐防驍騎校及察哈爾護軍校驍騎校缺出該將軍都統副都統等於領催前鋒護軍恩

騎尉內揀選擬定正陪送部轉咨該旗帶領引見補授一員其餘一員如奉

旨記名後發回本處遇有驍騎校護軍校缺出坐補其記名人員內僅有改易前操者咨部註銷。又奏准記名領催前鋒護軍恩騎尉等坐補驍騎校護軍校該將軍都統副都統等將一年之內坐補人數若干於歲底彙報該旗轉咨直年旗具奏。又奉

旨據各旗將外省保送放官之正陪人員帶領引見奏摺內俱書寫請將擬止補授擬陪記名等語此等人

員帶領引見。朕但視其人去得。即為補放。若擬陪人員較優於擬正者。即將擬陪人員補授。將擬正者記名。有何不可。嗣後外省保送之正陪人員。帶領引見。奏摺內聲明係有幾缺。即請補幾人。並將餘者可否記名之處。繕寫請旨。不可直書擬正補授擬陪記名也。○十年奉

旨。嗣後記名人員內。如有記名後。草率當差。不肯勉力行走者。該將軍大臣等。即行照例先行聲敘緣由。咨報兵部。該旗將記名開除。不得於出缺後始將開除記名之處詳報。○又定各省駐防年滿協領送部引



見如有奉

旨交兵部記名者。由兵部將記名協領職名隨時知照軍機處。十二年奏准八旗軍政奉

旨交兵部記名之頭等侍衛及各旗營三品官員照駐防協領交部記名咨送軍機處之例。兵部將記名之員職名隨時知照軍機處。

補用卓異官。雍正六年奉

旨駐防卓異引見之官。如遇應升員缺停其引見。該將軍等即行奏聞補授。乾隆七年奏准駐防卓異官引

見已過三年者。遇有應升員缺。仍行咨送來京帶領

引

見○三十一年奏准各省駐防輕車都尉以上世職等官。如遇軍政卓異者。以副參領及佐領用○

三十三年奏准伊犁軍政卓異官員毋庸送京

引

見。俟伊犁等處應升得缺時。將卓異之處。聲明具奏。

○三十八年奉

旨。軍政薦舉人員。止准將應否卓異之處具奏請旨。不得以應否記名之處具奏。將此通諭八旗知之。○三

十九年奏准駐防軍政卓異人員帶領引

見奉

旨准其卓異者遇有應升缺出該將軍等即行奏請  
補放不必送京引

見其引

見已過三年者仍咨送來京帶領引

見○四十年奏准烏魯木齊巴里坤古城吐魯番等  
處駐防應行卓異官員照伊犁之例毋庸送京

引

見侯應升得缺時將卓異之處聲明具奏○四十二

年

諭嗣後伊犁等處官員。遇軍政之年將指為卓異者。臨  
時奏聞註冊。俟伊等應升之缺。保送引見時將卓異  
之處一併聲明具奏。俟引見之日。朕允准後再准其  
卓異。其協領等官內指為卓異者。亦俟伊等年滿送  
京引見之時。一併聲明具奏。引見之日。朕允准後再  
准其卓異。○四十八年奏准八旗佐領補放副參領  
後即將軍政保薦卓異之處註銷。加級改為紀  
錄。○五十八年

諭各省軍政佐領等官。雖向有卓異之例。但佐領等官。

引見後不過加一級仍發回本地往返糜費嗣後各省如有協領等官缺出可將此項人員揀選補放庶可省伊等盤費而於升途亦無滯礙○又奏准獨石口等處防守尉德州等處防禦因本處並無升缺向例必須薦舉卓異記名始與在京應升人員分別揀用今佐領以下等官既經停止薦舉卓異其中若有弓馬生疏年力衰老之員即行隨時叅劾其應入於計典者仍令該將軍等據實辦理○嘉慶三年奏准寶坻等九處城守尉防守尉等官本處並無應升之缺嗣後軍政時

照各省駐防三品人員之例。如有人材出衆堪膺薦舉者。准其保舉一員。如不得其人。任缺毋濫。○五年奏准駐防佐領防禦等官。照舊薦舉其餘駐防世職及驍騎校等官。仍不准薦舉。○六年奏准駐防各城軍政卓異人員。如山海關等處協領各城城守尉。兵部遇有外省副都統缺出。開列於前。各城防守尉佐領。交該旗以城守尉。京城參領員缺補用。各城防禦交該旗以本處防守尉。及京城步軍協尉員缺補用。凡此官員內。如年老及立有產業情願在彼居住者。

於考選軍政大臣前具呈。雖經薦舉。仍留本處。  
○道光十八年

諭嗣後各省協領遇有軍政卓異及俸滿之員。無論記  
名不記名俱著於引見後豫備召見。如在三四人以  
上即分作二三日豫備。其新補協領人員仍著毋庸  
豫備召見。

駐防豫保領催。○乾隆五年覆准各省駐防滿  
洲蒙古漢軍領催由該將軍都統副都統等揀  
選材技優長曾經效力者。以本處驍騎校額數  
為準多者不過四十人。少者不過三十人。豫保

送部引

見恭候

欽定記名發回記名一等者遇驍騎校員缺即行補用。二等者不必論次序。將效力好人去得者補用。若記名之後有行止改變者咨部註銷俟用完之後再行豫保。○六年議准奉天各城驍騎校旗額翼額公額均照各省之例行。○十年議准各省駐防前鋒照領催例豫保。送部引

見記名以驍騎校用。齊齊哈爾黑龍江墨爾根城呼蘭四處管莊官五年任滿除通曉文義者該將



軍具題豫保。送吏部分別補用外。若不通曉文義。並不能遷移來京。情願候補本處武職者。五年任滿。該將軍出具考語具題。其行走勤慎之人。遇驍騎校員缺。與記名領催相間輪用。尋常供職者。俟記名領催用過三人之後。用一人。○十七年議准。各省駐防恩騎尉。以驍騎校升用。各將軍都統副都統等。於豫保領催時。一同揀選送部引。

見記名候補。○又議准。駐防領催。停其豫保。遇有驍騎校員缺。由該將軍都統副都統等揀選擬定。

正陪送部。交該旗引

見。如將擬正之人補授。其擬陪之人。應否准其記名。發回題補。恭候。

欽定。○十九年議准。福建領催。仍行豫保送部引見奉。

旨記名。發回以驍騎校題補。儻行止改變。咨部註銷。○又奏准。廣州駐防防禦驍騎校各四十人。遇有升遷事故員缺。向係將記名領催委用署理。俾得學習諳練。於旗員有益。嗣後仍照舊例豫保。○二十六年奏准。福建廣東駐防領催豫保。

之處停止。